

列女

賢媛 貞女

節婦 烈女

烈婦

鄙之壺範莫過於陶母以節著尤以賢稱晉史言之  
詳矣迄明劉司空舊志所錄代不數人要皆剪面以  
全貞誓臆而抗志秋霜皎日到今信之况值兵寇之  
餘慷慨就義脫令歐公載筆當不令斷臂一人獨有  
五代也茲統千餘年釐類為五非有區別于其間庶  
使覽者展幅瞭然易見耳

賢媛

晉

陶侃母湛氏新淦人鄱陽陶丹妻也世貧賤侃就學母

鄱陽縣志

卷十五

賢媛

紡績資給之使結交勝已侃少為潯陽縣吏監魚梁以  
蚶蟹餉母母封鯨付使侃曰爾為吏以官物見  
餉非惟不益乃增吾憂也邑人范逵與侃善來寓  
宿時大雪母出所卧薪薦剉以秣其馬又密截髮供殺  
饑逵聞之太息曰非此母不生此子侃後以中正為名

臣

晉陽秋 卷五 臣

宋

潘希古妻胡氏希古病革胡曰夫死吾亦死三子何得獨  
存願以身代死猶生也每夕請禱希古果瘞越五日胡  
病卒年三十三後子景進景岳皆出仕

豫章書



按劉楚胡夫人傳胡為鄱陽人其夫姓潘且生三子及夫病禱天代死其事跡一一相同即此胡氏無疑矣傳末云其長子今為安福主簿與楚同時則胡氏為元末明初之人何得遽載入宋然傳內潘不詳其名且豫章書及安志俱載入宋恐屬兩人姑仍其舊

通志原跋

明

李康侯妻王氏初其父許字康侯未幾父亡康侯雙瞽諸父有異議女曰薄命之婦亡父主之盟言在耳豈忍背之且既盟而瞽棄瞽不義違父不孝何以立世幸勿言

鄱陽縣志

卷十五

賢媛

二

此迨歸李氏勤執婦道內外無間言昔劉庭式娶瞽女此女堅適瞽夫事同一轍視世之盛衰寒盟者遠矣

呂煥妻朱氏故藩淮莊王女封南城郡主崇德呂相為鄱陽簿子煥有才貌王愛而字之既婚受封故事儀賓不得回籍比相歿妻凌尚存主辭祿乞恩同歸事聞報可事姑凌極盡孝敬遠近稱之

朱國禎湧幢小品



節婦

唐

曹因字鄙夫世為鄱陽人祖父皆仕於唐高祖之朝惟公三舉不第居家以禮義自守及卒於長安之道朝廷公卿鄉隣者舊無不太息惟子獨不然謂其母曰家有南畝足以養其親室有遺文足以訓其子肖形天地間乾坤陰陽內元生聚散特世態耳何憂喜之有哉子姓周氏之妻室也歸公八載恩義有奉故贈之銘曰其生也天其死也天苟達此理哀復何言

按古文品外載慶元三年信州上饒尉陳莊發土得

鄱陽縣志

卷十五

節婦

三

此碑則因當為上饒人時上饒亦稱番耳通志徑入鄱陽其別有考歟抑鄙人而鑿上饒歟存之以候博識

元

方伯詳妻江氏夫亡守節旌表下已歿京兆尹楊春作詩哀之

劉丰鳳妻朱氏鳳任翰林院供奉早卒遺三子昂煜燮至正壬辰家燬於兵昂提義旅守上饒燮沒于痛經為鑿家所害朱時值亂離獨抱昂子玉珊艱苦備嘗後八年昂從間道歸相與持哭朱曰吾所不死者惟此兒故爾



曷迎養新安遷浮梁隨養卒年五十五太史宋濂銘其墓銘曰夫人之節石堅玉貞何不享有遐福而憂患是嬰彼宰物者孰尸其平然而德厚流光如筮斯徵短雖一日長或千齡則夫人之不死者愈遠而愈名史源之山封若斧形評隲訓行太史勒銘後數百年尚知為鄱陽節婦之塋

按此傳通志載銘其墓以上為劉友梧妻傳又增劉斗鳳妻一傳而全載宋景濂文今按舊志及劉氏宗譜友梧名斗鳳合為一人因正之

明

鄱陽縣志

卷十五

節婦

四

胡振卿妻趙氏元崑山都目趙嗣材女振卿

名振祖見義勇傳

拒

寇遇害遺叔儀甫九歲趙堅忍艱苦撫孤成立卒年八十七邑令山陰徐俊民為哀鳳吟

屈賢妻程氏年二十五喪夫止遺二女矢志守節父母強其再適程曰屈氏祭祀誰奉之有死而已卒不改志

徐處仁妻程氏適處仁僅踰年時調官軍征廣東洞獠處仁以醫選從征視士卒疾溺鄱陽湖死程時年二十一聞訃哭絕復甦養本宗子繼為後程貞守沒世訖無間然

李永良妻葉氏偕夫戍金陵之鷹揚衛踰年夫喪葉年二



十二子女俱無旦夕號哭聞者傷之尋夫弟迎歸于鄱  
守節弗渝卒年八十二

陳永懷妻巨氏永懷卒巨年二十八仰天哭曰吾不幸無  
夫夫不幸無子何天道若是乃守節娶居莫奪其志奉  
姑尤謹以節孝稱焉

馬氏饒州守禦總旗馬思敬女年笄適棠陰巡檢夏斌次  
子泰纔四十日泰溺死馬痛絕者數四竟孀居以終

胡永徵妻李氏永徵卒李年二十五無子守志養姑凜然  
節操沒齒如初

崔繼勳妻黎氏名罕壁樂平黎澤女年十八歸千戶崔氏

鄱陽縣志

卷十五

節婦

五

越四年繼勳故無嗣黎年二十二即欲死不食者七日  
曾祖姑王祖姑戴二孀諭以汝死吾誰依黎遂斷髮守  
制侍王姑八年瞽且齒落黎嚼食喂之戴姑患瘋七年  
黎竭力奉侍治二姑喪事惟謹一飲一食必先獻夫竟  
老衰經未去體他如返風滅火孤燕來巢又其節之徵  
者院道屢致粟帛萬歷戊子旌表

兵部郎中計士元妾趙氏士元妻江氏艱於子勸納趙遇  
之有恩趙事江益謹越五年士元卒于官二孀櫬歸涉  
楊子江遇暴風抱棺大慟隣牆皆傾喪舟獨免抵家立  
姪鯨為嗣二孀相依倚若形影或諷趙年少可歸母家



豐潤再適人者趙憤激兩手奮力自爪其面血淋漓欲以死殉念與江相依為命忍死待之迨經營舅與夫喪塋家益落紡績自贍備嘗艱苦歷四十餘年觀風者上聞表其閭曰名門雙節江以命婦格于例不旌獨旌趙故世稱趙節婦云

庠生胡永繼妻徐氏適永繼一歲而寡徐矢同死絕飲食從姑輩百方解之徐良久曰未亡人死何足惜但夫既乏傳妾又偕隕鬼其餒矣乃持缺盃一枚長短箸一雙誓與同盡糲食淡蔬夏着麤麻冬披破絮嚴凍不重衣謂未亡人雖則免死敢希溫飽乎一僕呼應立闕外一

鄱陽縣志

卷十五

節婦

六

婢事炊爨不許出戶庭萬歷丙辰直指使題請建坊卒年七十四

千戶所軍人江宗海妻金氏年二十守節無子撫姪為嗣堅貞不渝至六旬學使者給節凜冰霜額以旌之

陳志道妻羅氏志道蚤世羅無子其弟迎養于家孀居四十餘年卒年八十

張泰陽妻劉氏泰陽疾革語劉曰婦所託者夫與子我疾無子汝何從劉泣曰生為張婦死為張鬼忍他適狗彘不若也言已泰陽逝劉慟絕甘心守節或諷以再適劉厲聲叱之孀居三十五年卒



徐恕妻姜氏年二十四夫亡子孝恭甫二歲舅欲奪其志  
姜曰舅姑垂白不可無婦孤子襁褓不可無母言與淚  
俱下時值兵亂備歷艱苦終無他志永樂間旌表

方吉甫妻吳氏年二十八吉甫喪子志學在襁褓誓不再  
適或以言撼之吳哭曰三從之義婦人之常死何面目  
見夫地下自是無敢復言者郡守胡天祐嘉之為立傳  
周氏傅氏母女也周氏歸傅克仁年二十七克仁卒無嗣  
僅一女守志撫之及笄贅方志信為婿生子應麟未亂  
志信卒傅年二十八依母甘貧堅守後表其門曰雙節  
方克和妻章氏克和蚤卒章年二十七二子俱幼自矢靡

鄱陽縣志

卷十五

節婦

七

他勤紡績以育其子永樂元年知縣曾寶以其事聞旌  
表

章閏益妻張氏張榮祖女繼母不慈孝事尤謹年十六歸  
閏益年二十七閏益卒一子孟宣九歲一女普安四歲  
張撫膺計以死從親黨諭之稍解誓不再醮母族諷使  
他適張厲聲拒之後不復歸寧苦節育孤至於成立  
鄭可與妻金氏可與疾篤呼金語曰吾命殆止于斯所恨  
者父老不得終養子幼不見成立汝能任其責乎金哽  
咽不能對可與逝金年二十七守節弗渝家窘力麻泉  
自資卒成夫志永樂間旌表



胡氏張氏德慶州同知董彥和二子婦也胡夫復宗卒年二十九張夫復興繼卒年二十七俱誓不他適張子天胡子甫四歲時董祚中衰旁無期功之親二婦相與扶持撫弱子成立里人表其堂為雙節

胡泊川妻陳氏適二載泊川卒陳哀痛幾絕一子景輔年未暮而泊川祖母母俱老孝養無缺有孤成人

吳季綱妻章氏章閨益女名普安性聰慧能書適季綱後客死淮安章聞訃慟絕復甦自念舅姑老而子女幼未可遽死矢志苦節刺繡以養舅姑卒年七十四

胡均政妻張氏家貧均政蚤喪有三弟俱幼生一子未暮

鄱陽縣志

卷十五

節婦

張年二十三誓不再醮紡績撫育延師訓均政三弟及其子皆得成立孀居六十餘年貞節卓著

陳氏黃氏彭公叔之二子婦也陳夫蕃卒以刀斷髮納棺誓無他志黃夫續為邑庠生卒黃年二十一勵志亦如之各撫一子稱雙節云

張景榮妻方氏景榮蚤世方年二十六子在襁褓百爾辛勤以奉姑育子志節殊堅

江宗讓妻吳氏適未數載宗讓客死聞之延平吳年二十五日惟哀戚所遺二子俱幼守節終身

鄭武妻徐氏武喪時徐年二十七遺腹一子守節撫孤卒



年七十二

張杲妻劉氏生子金聲甫一歲杲卒劉年二十一哀毀骨立先是舅未葬劉曰寧無食豈忍兩喪失所乃鬻田合夫塋之或諷以再醮觸地折齒永矢靡他事姑孝姑死復鬻居殮塋母憐其單寒令歸同居曰我張門婦固辭不徃子兩失配有勸再醮以續者輒然曰我羞與失節人居苦守四十七年疾革囑子曰貧莫失志富莫改常未幾卒

史梓芳側室林氏柔順純謹事姑趙氏極盡孝養朝夕定省終始弗渝時梓芳肄業南雍姑疾危甚乃焚香祝天

鄱陽縣志

卷十五

節婦

九

到股以進疾立愈及姑歿哀痛幾絕事夫尤盡禮梓芳卒年二十有八勁節自守數十餘載跡不及戶外課子及孫俱自督責儼若嚴師年八十有一卒

江氏二節婦光進妻詹氏年十九而寡光遇妻胡氏年二十二而寡同處一室礪節三十餘年學憲朱廷益旌以貞節族廉憲公和亦以天壽雙節贈之詹年七十三胡年八十五

史靜隱

名朝

妻周氏茂州判官周彥英女年三十二而寡

遺孤十一歲家貧甚或為謀再適遂錮門欲餓死絕食已兩日適隣姬馬氏遣婢持米易手繡乃復得食日夕



吞淚撫孤孤年十五隨舅商河南周前後資給一取于  
繡刺衣百結日不再炊餓寒十六年孤飄零異鄉念母  
而歸躬漁樵以養子母拮据以葬亡者及婚娶五傳而  
至桂芳以廉吏理學重於世

鄱志節皆年三十以下例也今一切謹依之乃焦太  
史竑為史靜隱妻周氏立苦節傳其一段艱苦勁貞  
之狀實婦德所少天故生大賢以報因附載之

明陳  
赤石

府志

明宗室朱翊鉞妻于氏性貞儉不尚華靡及笄歸世祿家  
親執女紅服惟疏布事姑以孝聞姑有疾晨夕侍湯藥

鄱陽縣志

卷十五

節婦

十

衣不解帶者逾月姑卒飲水啜粥戚如也居家嚴整二  
子各授一經督課惟勤故克自樹立後孀居兵荒相繼  
能履困而亨人皆以為賢母

千戶所軍人熊守仁妻鮑氏適二載而寡誓不再醮杜門  
辟纊奉姑惟謹年逾六旬竟未踰閩萬歷間隣舍火將  
延其宅忽自滅邑令周武烈見而異之詢其故里老以  
鮑節婦居對因盡述其苦守事周喟然曰節孝未揚有  
司過也即申上司聞於朝建坊旌表巡按陳于庭顏其  
廬曰兩間正氣

江光奎妻陳氏奎蚤卒陳年二十八欲以身殉舅姑以孫



余植妻山氏生子未週而夫卒山守志撫子塋舅姑與夫其先世之未塋者皆經理安厝之子將成而天復育服姪文徽為後苦節三十餘年卒

太學生鄭嘉產妻高氏年二十四嘉產卒矢節茹貧教子成立邑令王應斗詳請旌表卒年七十三子鼎臣通篆隸諸書法著有篆韻輯解

儒生王尚用妻蘇氏尚用卒蘇氏年二十撫子家亨伶仃孤苦而能勤儉恭順內外無間言至七十五終

儒生甄文明妻胡氏夫卒胡年二十六生子應節方三歲苦操自勵族里同聲賢之卒年七十五

鄱陽縣志

卷十五

節婦

十一

史書褒妻羅氏方伯元楨女年九歲知女訓大義及笄歸史婦道克脩書褒卒羅年三十二念家世清貞茹苦矢節終身不衣絹帛幼子秉古方四歲督令向學焚膏不繼作女紅佐之垂五十年督學侯公炯曾以節孝表其門年八十一卒

邑庠王三省繼妻黃氏其前妻蘇氏婚踰年產一子而卒黃繼之甫一載三省赴省試舟覆溺死柩歸黃痛哭欲自刃姑止曰不念老姑當念弱子黃遂剪髮毀容矢志事姑訓子成立邑令沈光宗旌之曰冰清玉潔年八十餘終



郡庠生史詳古妻閔氏詳古貧而好學閔氏勤紡績以佐之事姑尤極孝敬嘗有疾姑憐而慰之必勉力支持惟恐貽姑以憂無何詳古歿于亂閔年二十泣血號慟欲自盡者數四皆姑救止時一子甫週撫而痛曰以夫則不容不死所不忍即死者以孤故耳及長口授經書無異師傅孀居十五年憂勞成疾卒

李天桂妻江氏婚二載而夫歿江年十有八子煌甫半歲誓不再適後事姑孝訓子嚴冰霜之操歷久如一族眾欲聞諸當事江泣止曰從一而終古訓也有何奇節堪表乎卒年七十餘

鄱陽縣志

卷十五

節婦

十三

王思曾妻徐氏思曾蚤卒二子俱幼其夫兄每凌之冀其改適徐誓不失守躬汲業腐以育二孤積勞成疾未五旬而終後二子俱成立

史書奇妻崔氏明經應龍女性貞靜七歲能知禮法如成人年十五將歸值奇疾篤其父方正士不暇卜吉召女命之往送之門至則巫醫在室倉卒告祖畢即脫簪珥親湯藥不遑寢食者逾月夫疾方愈事舅姑克孝姑年七十祖姑年九十每鷄鳴問安進食不懈年三十書奇卒崔撫諸孤以栢舟自矢勤績紡造酒漿以佐孤讀書資苦節幾四十年族黨咸稱之年七十一卒



庠生閔繼訓繼室畢氏夫卒年二十餘以節操自勵所嘗艱苦有人絕不堪者畢處之恬如歷數十年如一

鄭某妻李氏生子甫週而夫卒李哀痛幾死者再姑慰曰死與撫孤孰難李遂節哀撫孤自矢其族有名艾虎者見其子方襁褓心利其有謀奪之李誓以必死謀遂阻當事屢加旌異卒年七十有四

方起龍妻袁氏龍卒袁年二十三矢志撫孤始終無玷年四十九卒

劉揖妻張氏夫卒守節不改

劉綱妻辛氏節操凜然沒齒如初永樂間旌表

鄧陽縣志

卷十五

節婦

古

劉瓚妻吳氏吳方伯中女適劉通政子瓚早卒吳孳居以終人以為無忝家教題請旌表

許麟妻劉氏劉蘭楚女麟喪劉持節撫孤成立

余勉妻劉氏夫早喪守節不貳

張氏胡輔妻守節

吳氏張綱妻守節

鍾文璞妻胡氏夫亡誓以未亡人自處守節終身

汪孔洋妻俞氏夫早喪守節終身

吳彪妻姜氏長史憲之孫女甫笄適彪月餘彪客閩浮海死姜初聞幾絕既乃脫簪環還舅姑絕不肉食深居不



出人莫覲其面哀毀骨立而卒

張氏費隱子婦年二十失所天誓不再醮父母強之自縊  
樹救而甦竟不從

胡以寧妻段氏夫卒孀居五十餘年卒年八十六

姜文軻妻歐陽氏夫喪年二十七遺二子俱幼洪武間徙  
富民實京師夫之父母兄弟皆在列獨氏以夫亡子幼  
留勤女工育二子成立

徐顯宗妻張氏惠州太守仲禮女夫卒遺二子幼張節操  
凜然

祥符尹崇瞻之子勉妻劉氏勉中益大同疾卒劉撫所遺

鄱陽縣志

卷十五

節婦

十五

二子堅心守節

劉百萬妻李氏夫亡年二十七以死自誓撫二孤成立

史永壽妻楊氏夫客死閩楊年二十六遺一子一女堅心  
守節垂四十年子浩為御馬監吏疏其母節以聞未報  
丁蘭纓妻曹氏蘭纓客死京師曹年二十有八女一子二  
孀居三十年貞操如一

國朝

儒士王秉道妻程氏夫卒無嗣程年二十矢志守節時有  
逼嫁者激烈投繯雖寡且貧事舅姑無缺養日夕紡績  
甃石成墓虛其右示同穴之志撫姪從諾嗣之竭蹶為



完娶兩庠上其實邑令王克生以林下孤貞表之  
史書昌妻閔氏庠生閔翼明女幼嫻禮訓歸史氏孝養厥  
姑聞於族黨昌卒課諸孤以嚴燃膏繼晷不少懈子彪  
古登第官翰苑閔馳書都下曰汝史職母以七寸管蠟  
人後改諫垣給假歸復面戒曰汝言官母以三寸舌穿  
人皆典策語孀居四十年如一日晚膺榮膺儉約如寒  
素常持殺戒造次言動必循古禮年八十卒

王家昌妻黃氏夫蚤喪遺子用佐方三歲上有孀姑黃年  
二十四栢舟自矢紡績以供養族黨稱之子稍長口授  
孝經語孟不假外傳子登賢書母訓諄諄未已又及見

鄱陽縣志

卷十五

節婦

十六

曾孫卒年七十八邑令盧元培扁旌云水清玉潔

史紀古妻朱氏年三十夫卒矢志鞠子而長子殤次子魯  
六歲朱脩歷多艱撫之成立家道益昌年登八十

庠生張惟省妻朱氏秉性柔順事舅姑曲盡孝謹姑老以  
乳佐粥為養延齡九十初艱嗣三置妾夫拒之氏力勸  
乃納之每夜焚香默禱乃生子鏐惟省尋卒鼎革時流  
離播遷百罹脩嘗教子成立郡守縣君咸扁旌其廬

詹氏李氏鳳岡徐伯遠妻若妾也連讀書早卒易簣時惟  
屬二氏撫孤守節時詹年二十五李僅二旬矢志靡他  
雙壁無玷



朱繼山妻潘氏夫卒氏年二十七自矢冰霜養姑教子脩  
極苦辛宗族咸曰節孝遠近無間言年八十有五

鮑君定妻王氏姑老以乳延之姑病請身代之夫歿撫子  
守節終其身 以上舊志

徐禹道妾胡氏年二十六夫歿遺三孤俱幼胡絕水漿者  
數日嫡諭以撫孤存祀為大乃勉進饘粥復遺腹生一  
子甲寅之變胡遇賊引刀碎面欲觸柱死賊義之曰烈  
婦也釋之康熙六十年旌表

徐愈妾陳氏甫生子夫疾劇囑徐曰吾三世惟此兒可善  
撫之及歿陳矢志撫孤終始一操康熙六十一年奉旌

鄱陽縣志

卷十五

節婦

十七

陳和妻程氏賢而乏嗣乃為夫置側室年二十五夫死撫  
妾子如已出雍正六年旌表

劉吉復妻史氏明永平郡丞史乘古女年二十五時吉復  
死于兵氏慷慨投井死氣絕移時亂兵疑井有物出屍  
置墻隅抵暮復甦氏痛吉復慘死求死不獲遂奉姑鄉  
居織紉以養姑姑歿後嗑不容粒欲繼以死史郡丞作  
易女篇慰之且以大歸禮處焉未幾氏以夫族無祀何  
賴有未亡人遂辭歸家唯二婢以一配蒼頭鬻一付蒼  
頭使營什一立姪欽偉為嗣再造劉氏焉年六十有八

終



李士奇妻張氏前明崇禎十三年歸奇為妻張年方十九  
閱三載值申酉之變奇遇兵被殘遺孤方九月張遍尋  
夫骨孝養舅姑撫孤至于成人堅貞苦節四十有六年  
袁孔大妻劉氏年二十夫亡守節值國初甲寅兵燹之餘  
志同金石撫孤成立補弟子員康熙三十三年邑令范  
鍾詳旌

高居喬妻袁氏淳安令袁玉姊也年十八歸喬二十有三  
生子其元甫三月而夫亡氏矢志撫孤至于成人娶媳  
謝氏生孫甫半週而子復夭謝年方二十孀姑孀媳共  
撫藐孤袁卒年六十謝卒年八十有二人稱一門雙節

鄧陽縣志

卷十五

節婦

十六

鍾士祿妻陳氏年十四歸祿十五生子閱兩月而夫亡氏  
矢志撫孤遭甲乙之難氏乃攜孤遺跡宿露餐風至五  
月而始歸家徒壁立氏苦節茹荼堅操不易卒年八十  
有三

徐士豪妻余氏年二十有八而寡家貧守節值甲乙之難  
鄉間逃竄偽弁搜掠無虛日氏携孤匿古室中絕粒數  
日幾斃家人細訪昇歸復甦氏紡績自給苦節終其身  
卒年七十有五

徐九德妻萬氏年十九而寡遺孤聞道甫週一齡萬矢志  
撫孤克有成立娶媳胡氏生孫亦甫一齡而聞道又天



胡年二十有六姑媳雙髮形影相依脩嘗辛苦毫無間  
言兩庠公額巡憲查匾給南州雙節萬年八十終胡卒  
年六十有六

周啟哲妻操氏年二十三而寡遺孤僅三齡值甲寅之難  
氏養姑撫子艱苦脩嘗卒年七十有三

閔傑副室程氏傑以歲貢任德化訓導子嗣維艱程年二  
十歸傑二十有五而傑亡遺孤四齡氏扶櫬歸里脩歷  
艱卒子汶登癸酉賢書任浙江秀水知縣氏邀贈孺人  
壽七十有六

徐天德妻程氏天德早喪家無兄弟程年方十九遺孤未

都陽縣志

卷十五

節婦

十九

週乃引刀斷髮誓節撫孤舅旋病卒孀姑年至九十齒  
牙搖落氏曲奉饗殮以孝聞年將六十子喪姑歿長孫  
又天氏同寡媳孫婦一室三孀足跡不出柵外者六十  
有一年邑令李給匾旌之年屆八旬卒宗黨咸欽其節  
副貢程森繼室曹氏森元配史氏病歿遺四子二女曹年  
二十歸森生一女閱五載作未亡人誓不再醮待史氏  
子女如已出尤繼室中所罕見者年六十而歿明經史  
詢為之傳

施士傑妻李氏年二十有九生子尚仁甫四月而夫亡時  
舅姑垂老氏以婦代子職孝養無缺撫孤成立見孫六



人守節歷五十年足不越閨人無間言壽七十有九  
陳一憲妻吳氏年二十有五而寡茹苦習勤撫二孤成立  
卒年九十有六

徐顯梁妻段氏顯梁卒段年二十有二子甫四齡家徒四  
壁撫孤娶媳皆其手口瘁瘠無何子媳相繼夭亡二孫  
俱幼段又撫育成人苦節五十三年卒年七十有五  
劉啟愛妻曹氏年二十七時啟愛歿姑年已老遺孤尚在  
襁褓貧甚氏手自紡績以養姑撫子親鋤荒圃植蔬以  
佐之每朔望輒焚香祝天願減己算以益姑壽終身不  
近葷酒植一栢後軒時加灌溉以寄志焉年七十四歿

鄱陽縣志

卷十五

節婦

三

生員徐思遲妻黃氏年二十有五思遲病歿子盾甫三歲  
遲疾亟時以遺孤為憂黃涕泣以為已任及思遲歿氏  
矢節撫孤女紅自給孀居五十七載親族咸無間言

姚兆理妻鄧氏年二十有一而寡遺孤甫二月孀姑垂老  
四壁蕭然氏勤紡績以給衣食夕膳晨餐能曲得姑之  
歡心者二十餘年所居雖列闔闔而聲跡不出戶外雍  
正乙卯元旦東閨火災厄及鄧廬煢煢孤寡相對露處  
行道之人皆不忍也邑令李翔麟聞其節孝特捐俸百  
金為之構室且延近隣紳士董其事室成匾給輜軒佇  
採四字榜其門以旌之卒年五十有七



方牡妻王氏年二十有八而寡一女一子熒熒在疚氏集  
蓼茹荼誓存夫祀年七十有二卒

高日宣妻張氏年二十有七日宣病歿張守節茹荼撫三  
孤成立家計漸興氏歿前一歲年七十公額學使姚厓  
給瑤池冰雪以旌之

吳鎮聚繼室王氏年二十五時鎮聚歿氏勵志撫孤鎮聚  
柩厝近山氏携孤往奠值野火迫柩氏呼天泣拜風返  
火滅鄉閭異之歿年五十九

史之申妻藍氏年二十歸之申克修婦道越五年之申以  
勤學成瘵疾歿時氏年二十有五舅姑年老之申又未

鄱陽縣志

卷十五

節婦

五

有子氏毀容去飾飲泣奉養二老以婦代子終其身苦  
節四十三年始卒

史傳圖妻鍾氏年二十一傳圖以疾歿無出家又素貧氏  
矢志堅守紡績自給繼姪存瑾為嗣為之娶婦有孫又  
相繼死復成隻影時年未四十饑寒交迫卒不渝其志  
年七十餘卒

史元夏妻陳氏既聘後元夏成瘵疾遂以婚禮迎氏侍疾  
入門躬視湯藥僅五月元夏歿氏時年二十絕食屢日  
又念夫無後強納勺飲繼姪為嗣茹荼集蓼三十餘年  
如一日



高正興妻劉氏正興歿劉年二十有六長子甫四齡次子尚在遺腹氏竭力紡績以給饗殮撫二孤皆能成立壽七十有二終

庠生王之仰妻劉氏仰以輪辯漕務卒於舟次劉年二十有八聞訃一慟幾絕摘髮碎鏡誓不二天秋月身又隨歿于家冬月次孤復殤三時哀慄血淚幾枯勉作未亡人撫五齡遺孤茹荼飲藥外無間言卒年六十有二程彪妻徐氏夫歿氏年僅二十有三子在襁褓飲冰茹蘗誓不二天值夫忌日必泣奠于庭哀容一如新喪時苦守霜幃言不出戶至老雖里中卑幼亦罕覩其面年六十有七卒

鄱陽縣志

卷十五

節婦

二十三

劉正義妻蔡氏年二十有七夫歿矢志撫孤成立孤天有孫二人蔡廷師督課次孫飛熊己卯舉于鄉氏年八十有七卒

歲貢生朱宸副室余氏宸艱于嗣余年十八歸宸二十有二而生子閱八載而夫亡氏誓不再適遺孤八齡即最以夫手澤遺書茹荼授讀子鰲以府試冠軍列諸生克紹父志氏年五十有三卒

庠生張廷相妻金氏年二十而寡廷榮妻吳氏年二十有三而寡遺二孤尚在襁褓金無出以吳次子為嗣婦如



同貞撫孤成立並為諸生復相繼而天二氏亦隨歿金  
年六十有二卒吳年六十有三卒人稱一門雙節

王光宗妻岑氏夫歿岑年二十有八矢志撫孤守節四十  
九年壽七十有七卒

徐之文妻劉氏年二十四之文病歿子綱甫二齡氏飲泣  
撫孤脩嘗艱苦歿年六十九

徐吉坤妻吳氏年二十七時吉坤以疾歿氏矢志不移撫  
育遺孤卒年六十一

王梧妻李氏年十八滴梧而梧卧疾六年氏奉侍湯藥未  
嘗一日少懈梧歿無子兄弟五人又先後繼殞氏撫孤

鄱陽縣志

卷十五

節婦

二十三

姪為子尋卒復育姪孫為嗣撫孤二世守節四十年雍  
正十年旌表

庠生程新益妻王氏大司成王公傳長女幼嫻姆訓踰笄  
適新益為妻年二十有四而寡時二女一子皆幼藐孤  
在抱弱女在膝氏順成夫志撫孤成立永矢貞操乾隆  
五年旌表

胡鵬揚妻徐氏年二十有五守節勤紡績甘淡薄隆師課  
子已補弟子員而天嗣撫幼孫亦列諸生旋歿邑令李  
汝霖給匾旌之卒年八十

彭定漢妻程氏年三十夫歿于幼家貧氏素嫻女紅藉以



佐衣食越十載而孤子喪泣血茹荼終無他志姪夫恬恃程撫育一如已出年六十有三卒

江漢丰副室姚氏丰四代一身形單影隻嫡配孔氏僅育一女後娶姚氏舉一子甫六齡而丰歿孔年已三十有六姚年僅二十有三與孔同作未亡人飲藥自矢撫孤成立俱以壽終

彭鳴殷妻胡氏年二十有七而寡遺孤甫八月氏毀容去飾聲不聞闔外足不及堂戶常削柏木為簪以寄志及病篤不肯就醫藥家人強之氏愀然曰我正當速死以報亡人于地下其遲遲至今者以子未成立今其時矣

鄱陽縣志

卷十五

節婦

三十四

安用藥為年五十而終

江恬溢妻鄧氏年二十有二而寡時舅姑在堂氏克盡敬禮使令唯一老婢闔門肅靜人無間言卒年八十有四程蓋臣妻陳氏年十九而寡遺孤未週氏誓不二天撫孤成立卒年七十有三

曹君治妻沈氏年二十有三守節遺孤未週氏撫育成立卒年六十有一

曹仁天妻雷氏夫歿氏年二十有一矢志勵節從一不渝壽八十有二卒

王時安妻吳氏年十八而寡無子苦節撫姪成立卒年七



十有七

方公濯妻胡氏年二十五守節撫二孤俱至于成人年九十有四卒

國學劉承滾妻史氏年二十守節遺孤未週撫育成立孀居四十一載始卒

胡繼盛副室曹氏年二十四而寡子甫一歲氏誓不再醮年七十二而卒

庠生王日焜妻袁氏淳安令袁玉長女自幼母亡依依父膝教以經傳諸書一讀輒能成誦年十七適日焜為妻二十五歲而寡常削竹節為簪以見志卒年六十有四

鄱陽縣志

卷十五

節婦

二十五

乾隆十年旌表子大壩邑增大垠邑廩四書章句多其口授並有詩名

鄭淑修妻劉氏邑庠劉欽寰女年二十有四夫亡遺腹生子之棟劉延師訓課得列諸生娶媳余氏之棟旋天子問年甫一週余亦守節不渝劉八十四卒余六十六卒程浚妻彭氏年十八歸浚二十有七而寡子僅三齡氏矢志靡他撫孤成立卒年六十有五

生員曹登廷妻胡氏年二十六守節撫孤成立七十二卒烈婦

元



劉揖妻趙氏早寡不忍獨生以死從夫事聞命褒表元史

明

劉璋妻藍氏璋溺死藍懷破鏡誓以死殉投水觸墻救而獲免後竟縊死時年二十事聞旌表

山曜妻鄭氏鄭松女歸山氏踰年曜卒慟幾絕欲以死從救免其母覘其家寥落迎歸強受聘鄭乃給就浴室自緘其裏衣易以初嫁時鞋投繯而死

江祐妻廉氏郡庠其介女也幼知書長適祐祐卒廉年十八居喪盡哀斷髮毀容不欲生父母止之遂終日閉戶雖至親罕覩其面後聞警慮身無所主決志以死殉夫

鄱陽縣志

卷十五

烈婦

二十六

但念母老發篋取簪珥遺之時有覺者解之曰禍尚未迫死奚為廉曰苟迫矣求死其可得耶作詩明志整衣束身從容縊于內寢

王某妻郭氏居四十里市聞警載舟避之兵掠舟被執鞭笞其夫夫泣謂郭曰汝不從吾命絕矣婦給兵曰釋吾夫吾從汝夫得脫郭度夫去遠遂躍入水兵挽其髻納舟中多方懼之不從支解于提控泚

陳某妻嚴氏戊子之難乘舟匿湖中土兵猝至嚴慮受辱携兒赴水死同舟十四口俱溺死

太學生胡肇鳳妻王氏同姑裴氏避亂具舟珠湖濱時水



渴舟不及發兵至挾之行王怒曰頭可斷足必不移強之投于地者三遂刃其頂而死棄屍嚴家橋數日如生王氏乃愍忠公址四世女孫也

庠士李開先妻胡氏年二十七開先歿遺孤方二歲同姑鮑氏避亂土湖兵至登舟奪其子投之水胡遂望子所投處溺焉翼日母子相抱浮水面人皆異之

史永平乘古妻姜氏大司成金和女孫幼讀烈女傳諸書及歸乘古克修婦道尤以孝見稱乘古官寧津偕之任既而疆圉孔棘諸子請南還姜執不可遂同處圍中卒全城而後返戊子之變或勸為趨避計姜答曰吾昔已

鄱陽縣志

卷十五

烈婦

二十七

辦此今後有塘前有井復何憂哉四月二十九日兵至率次男曉婦萬氏同赴井死

邑庠計雲崧妻毛氏遇兵劫之不從投焚池死即前姜氏甥婦也

邑庠羅欽相妻鄒氏避亂儒堂匿山中兵猝至持槌格鬪兵支解之

邑庠生廉質妻包氏歸質方兩載歲戊子質以起兵被殺包遂投井死年甫二十

周繼曾妻李氏被亂山谷被獲不從兵怒碎其首而死越三日屍猶凜凜有生氣



上谷程洞妻胡氏乙酉五月兵將至諸婦竊議所避胡曰  
惟有一死耳及寇至傷其姑胡潛閉戶自經死

庠生黃裳吉妾程氏避兵油渡遇兵掠金帛已盡見程有  
姿色逼之登舟吉怒搏之見殺程遂躍入水死

陳某妻金氏永平閩民金以立女同父母避亂喬木灣見  
被獲婦女嬉笑舟中痛誓何不速死母令勿言荅曰萬  
一不幸必不效彼為父母辱後歸陳僅七十日遇兵掖  
之行不從兵怒刺腹刺背而死

邱學舜妻王氏遭亂夫婦擬遠避泊舟月波門兵忽至登  
舟逼奪王氏不從投水死

鄱陽縣志

卷十五

烈婦

二十六

方如珪妻黃氏碧山民黃雲樵女同方氏女避亂山中為  
兵所執俱不從死時方盛暑越六七日髮膚完整久之  
喉間血噴起

庠生凌俊妻朱氏聞警預懷女投澹津湖時當盛暑越五  
日殮之顏色如生

北隅民查太初妻程氏孀居被掠將汚之不從携子勝祖  
投後園井中而死

國朝

樂亭里王治平妻朱氏甲寅之變倉卒避茅舍被寇掠欲  
汚之氏抱一子方半歲疾奔投井死鄉人以烈婦名其



井以上舊志

馬之勗妻胡氏明大司寇康簡公裔孫女戊子之變衆促氏登舟避難至某地邏舟四至迫氏過舟氏給曰吾過舟矣母相拉為也邏卒信之乘間躍入水死先是之勗以數金予氏曰事急可贖命及翼日得尸裹金猶在手曹六妻施氏年十八歸六未一月值甲寅之難夫婦避亂至程家溝賊突至強掠施氏欲殺其夫施誑賊曰汝縱吾夫吾可從汝賊釋其夫氏伺夫去里許入林莽遂投井死後六尋見婦屍两眼血出顏色如生

貞女

鄱陽縣志

卷十五

烈婦

二十九

明

胡貞姑大理少卿胡閏女名郡姐閏被刑姑方四歲在母懷抱中母縛發東市女墮地哭死稍甦母兄俱不見一卒捉赴功臣家為奴餓病垂死不似人形功臣麾之老僕婦携至突前昏睡夢父母哭至乳哺抱父母哭醒乃手抱一猫同臥日藏柴草中夜深人靜取猫飯充饑冬拾葉衲禦寒稍長取釜墨塗面髮寸即自剪經二十三  
年蒙赦功臣家不知為誰老僕婦始牽出廳送部同遇赦諸女流乞食南還至饒見寡母王安人秉彛母相持慟哭曰是夢否鄉人競以錢穀遺之時年二十六歲日夕



與老母同寢處景泰五年故年五十六猶處子也鄉人私謚曰忠裔貞姑附祀忠烈父廟福王時追謚孝貞

風紀異史  
秉彜書

按舊志及通志引甘露園短書紀貞姑事殊畧及考英風紀異所載夢貓藏草乞食南還至今猶為醜鼻遂全錄之一以表貞姑之艱一以著陳璣之暴

朱氏名德字隆姬明宗室珣鉉女生而靜慧解讀書七歲時其父許字邑童張應選無何父卒無嗣姬奉母趙氏大母周氏居喪以禮年十九應選暴卒聞訃絕食欲殉母以二養無依及父未葬為論姬始瞿然起喪之如婦

鄱陽縣志

卷十五

貞女

三

禮及服闋有議婚者二母隱喻以意姬泣以死誓自是局戶躬爨親屬罕覩其面暇則繙繹經史及醫卜諸書遇歲游饑拮据以奉二母已則衣糲食淡恬如也二母先後卒家雖貧悉力營葬事張氏姑垂老次男又故姬歲時餽養弗替及歿為經理喪葬時諸當事歷以貞孝獎之泰昌元年巡按陳于廷具實上聞制畧云生本朱即性自青霜未為張也婦而鸞影遂孤甘于母氏依而烏哺更苦羨蒼筠之植節既久洵蘭英之發韻彌馨行府縣建坊旌以貞孝云姬雖讀書能文然生平不輕以字示人惟為母作哀詞及手自楷書女教經一部付梓



卒年七十有二仝母塋芝山父墓旁

國朝

按隆姬手書女教經刻板尚存舊作女孝字特訂之

朱貞女邑庠朱安女也名良弟許聘郡庠徐愈之子辰遠將嫁而辰遠死女遂衰經歸徐守志事聞邑令鄧士傑大嘉之以年未及旌不果題後二年而貞女死與辰遠合墓焉邑人士多哀之并記其事各弔以詩以上舊志

貞姑李氏名閻餘干人大司馬願四世女孫也十齡時故淮王涵玉聘為世子由桂妃未婚值國變世子出亡依母守志三弟皆幼惟恃姑女紅以供晨夕未幾喪兩弟

鄱陽縣志

卷十五

貞女

三十一

母亦繼歿姑以一女子經營艱苦或諷以他適姑正色曰非人類事奈何汚吾耳因泣下作金環詩以見志有紅爐經百煉不改本來貞之句姑性尤孝方母疾革時刺血號天幾至滅性又念父早逝每祭即欷歔欲絕一日臨祭父主忽自動其誠感如此嘗避兵山中以七首自隨曰與我共生死者此耳其剛決又如此前修郡志執事者遣人告姑姑不欲與衆同清濁答曰未亡人忍須臾死平生閱歷皆分內事何足辱彤管事竟寢年六十四卒

王氏名淑姬舉人王用佐女年十九許字餘干舉人張潔



次子我楷未歸我楷以鄉試得疾卒王俟父母喪塋畢歸張立姪方炯為後撫之守節康熙四十九年建坊旌表

徐氏名六貞幼字余初行為妻余家固貧將及迎婚之期初行病夭氏年方十八聞凶訃哀慟欲絕祭奠余門成服遂不復返孤燈獨處寂守窮廬辛苦倍嘗冰霜彌潔雍正二年學憲沈邑令李俱給匾旌卒年五十有八

張氏幼許字吳鳴遠為妻鳴遠病歿氏聞訃哀慟欲絕其母強止之氏遂詣吳門成服仍歸母家服闋再往親奠自是居母家十一年族人未嘗見其面嘗與其弟姪言

鄱陽縣志

卷十五

貞女

三十一

曰我命最薄父既早故兄嫂繼亡夫又早喪因母在暫與為依今母年老又多病恐不久在人間吾將有兵門之適爾輩各宜自勉無隍家聲母歿服滿歸吳撫姪承宣為嗣守節四十年雍正十一年旌表

劉氏義城老儒劉士烈女年十八許聘儒童張邦憲為妻次年邦憲病故氏聞凶耗即升樓雖經母覺奔救垂絕而甦遂請往奠邦憲父母哀其志許之成服後不復歸迄今三十三年不近華服不輕言笑即間歸寧比隣諸母亦不一過巾服履鞞身後之物皆自裁製封固乾隆十四年旌表



周氏幼字吳肇茂為妻肇茂病夭氏在室守貞舅姑垂老  
入門奉養今年五十有二現在詳請旌表

烈女

明

徐德八五之女避亂見獲并其父母昇歸伍至歙箕橋母  
子俱墜橋死賊因怒其父并殺之

按德八五乃女父派行通志誤以五為姓作伍因誤  
以女為妻蓋昇歸伍字句絕乃行伍之伍非姓也  
讀屬下句故有此誤

李芳九女遇兵欲污之不從遂碎其首于階下而死

鄱陽縣志

卷十五

烈女

三三

張氏名玉貞陳方伯文衡女甥仍為陳氏所聘年十八隨  
父母避亂油渡為游卒所執殺其七歲妹以劫之終不  
從遂遇害

小港民方思溪女年及笄遇亂兵掠之以手攀石不肯行  
且罵不絕口兵怒刃其手遂殺之手血著石經年猶鮮  
王氏湖南人縣庠訓導王化廣女被寇掠至百花洲逼之  
以死不從刃交胃腹而死

馮氏碣山人別駕馮知巳女幼許字某氏及笄某忽病卒  
訃聞馮氏感痛閉戶自經死 右三女係流寓

城北胡滿女及笄未嫁避亂于胡家邊兵忽至拽之行



堅不從乃怒刃其首數日顏色不變

右俱舊志

鄱陽縣志

卷十五

烈女

三五

